

周禮

冊二

周禮卷五

漢大司農北海鄭玄註

明後學東吳金蟠訂

天官冢宰下

醫師掌醫之政令聚毒藥以共醫事

毒藥藥之辛苦者藥之物恆多毒孟子曰若藥不瞑眩厥疾不瘳○瞑眠見反瘳敕留反若

凡邦之有疾病者疖瘍者造焉則使醫分而治之

疖頭瘍亦謂禿也身傷曰瘍分之者醫各有能○疖威匹婢反徐芳鄙反瘍音羊造七報反

歲終則稽其醫事以制其食十全爲上十失一次之十失二次之十失三次之十失四爲下

食祿也全猶愈也以失四為下者五則半矣或不治自愈

食醫 掌和王之六食六飲六膳百羞百醬八珍之齊

和調也○食音嗣○齊才細反下皆同○

凡食齊眡春時春者陽氣發而

飯宜溫○○眡音視○

羹齊眡夏時夏者陽氣盛而

羹宜熱○

醬齊眡秋時秋者陽氣收而

醬宜涼○

飲齊眡冬時冬者陽氣藏而

飲宜溫○

寒飲宜

凡和春多酸夏多苦秋多辛冬多鹹調以滑甘

各尚其時味而甘以成之。猶水火金木之載於土。內則曰棗栗飴蜜以甘之。董葢枌榆婉槁。滑以

滑之。○和胡臥反。飴以之反。董音謹。葢音。桓枌符云反。婉音問。滑思酒反。藴相藥反。

凡會膳食之宜牛宜稌羊宜黍豕宜稷犬宜粱鴈宜

麥魚宜菰

會成也。謂其味相成。鄭司農云。稌稷也。爾雅曰。稌稻。菰彫胡也。○稌音杜。菰音孤。稷本亦作秠。音庚。

凡君子之食恆放焉

放猶依也。○放甫往反。

疾醫掌養萬民之疾病四時皆有癘疾春時有瘡首

疾。夏時有痒疥疾。秋時有瘡寒疾。冬時有嗽上氣疾。

瘡疾。氣不和之疾。瘡。酸削也。首疾。頭痛也。嗽。效也。上氣。逆喘也。五行傳曰。大瘡作見。○瘡音消。疥音

介嗽。西豆反。上時掌反。注同。效。苦代反。喘。昌充反。見賢遍反。

以五味五穀五藥養其病。

養。猶治也。病。由氣勝負而生。攻其贏。養其不足者。五味。醯。酒。飴。蜜。薑。鹽之屬。五穀。麻。黍。稷。麥。豆也。五藥。草。木。蟲。石。穀也。其治合之齊。則存乎神。農子儀之術云。○贏音盈。後不音者。同合如字。又音閤。

以五氣五聲五色。眡其死生。

三者。劇易之徵。見於外者。五氣。五藏所出氣也。肺氣熱。心氣次之。肝氣涼。脾氣溫。腎氣寒。五聲。言語

宮商角徵羽也。五色。面貌青赤黃白黑也。察其盈虛。休王吉凶可知。審用此者。莫若扁鵲倉公。○易

以歧反。藏才浪反。下同。徵張里反。王往况反。

兩之以九竅之變。參之以九藏之動。

兩參之者。以觀其死生之驗。竅之變。謂開閉非常。陽竅七。陰竅二。藏之動。謂脈至與不至。正藏五。又

有胃。膀胱大腸小腸脈之大候。要在陽明寸口。能專是者。其唯秦和乎。岐伯榆柑。則兼彼數術者。○

岐其宜反。榆羊朱反。本亦作俞。柑劉音附。

凡民之有疾病者。分而治之。死終則各書其所以而

入于醫師。

少者曰死。老者曰終。所以謂治之戒。○少詩照反。醫師得以制其祿。且為後治之戒。○

瘍醫。掌腫瘍。潰瘍。金瘍。折瘍之祝。藥。剗殺之齊。

腫瘍。癰而上升。創者。潰瘍。癰而含膿血者。金瘍。刃創也。折瘍。跪跌者。祝當為注。讀如注。病之注。聲之

誤也。注。謂附著藥。剗。刮去膿血。殺。謂以藥食其惡肉。○折。時設反。祝之樹反。剗。音刮。齊。才細反。創。初

良反踠於阮反跌待結反
著音豬略反去羌呂反

凡療瘍以五毒攻之

止病曰療。攻治也。五毒五藥之有毒者。今醫方有
五毒之藥。作之合黃。墜置石膽。丹砂。雄黃。礬石。慈

石。其中燒之三。日三夜。其煙上著。以鷄羽掃取之。
以注創。惡肉破骨。則盡出。○墜本又作螫。徐音丹。

又音務礬音
豫著直略反

以五氣養之。以五藥療之。以五味節之。

既刮殺而攻盡其宿肉。乃養之也。五氣當為五穀。
字之誤也。節節成其藥之力。○五氣氣音穀出注。

凡藥以酸養骨。以辛養筋。以鹹養脉。以苦養氣。以甘

養肉。以滑養竅。

以類相養也。酸木味。木根立地中。似骨。辛金味。金
之纏合異物。似筋。鹹水味。水之流行地中。似脉。苦

火味。火出入無形似氣。甘土味。土含載四者。似肉滑滑石也。凡諸滑物通利往來似竅。

凡有瘍者受其藥焉。

獸醫掌療獸病療獸瘍。

畜獸之疾病及瘍療同醫。○畜許又反。

凡療獸病灌而行之以節之以動其氣觀其所發而養之。

療畜獸必灌行之者為其病狀難知灌以緩之且強其氣也。節趨聚之節也。氣謂脈氣既行之乃以脈視之以知所病。○為于偽反。聚本亦作驟同。仕救反。

凡療獸瘍灌而劑之以發其惡然後藥之養之食之。

亦先攻之而後養之。○食音嗣。

凡獸之有病者。有瘍者。使療之。死則計其數以進退之。

酒正掌酒之政令。以式灋授酒材。

式法。作酒之法。式。作酒。既。有。米。麴。之。數。又。有。功。沽。之。巧。月。令。曰。乃。命。大。酋。秫。稻。必。齊。麴。蘖。必。時。湛。餱。

必。潔。水。泉。必。香。陶。器。必。良。火。齊。必。得。鄭。司。農。云。授。酒。人。以。其。材。○。酋。將。由。反。下。同。秫。音。述。齊。才。細。反。

蘖。魚。列。反。湛。接。廉。反。餱。昌。志。反。

凡為公酒者亦如之。

謂。鄉。射。飲。酒。以。公。事。作。酒。者。亦。以。式。法。及。酒。材。授。之。使。自。釀。之。○。釀。女。亮。反。

辨五齊之名。一曰泛齊。二曰醴齊。三曰盎齊。四曰緹

齊。五曰沈齊。

泛者成而滓浮泛泛然如今宜成醪矣醴猶體也成而汁滓相將如今恬酒矣盎猶翁也成而翁翁然葱白色如今鄮白矣緹者成而紅赤如今下酒矣沈者成而滓沈如今造清矣自醴以上尤濁縮酌者盎以下差清其象類則然古之法式未可盡聞杜子春讀齊皆爲粢又禮器曰緹酒之用玄酒之尚玄謂齊者每有祭祀以度量節作之○緹音體醪魯刀反翁鳴動反下同鄮宜作醪在何反差初賣反

辨三酒之物。一曰事酒。二曰昔酒。三曰清酒。

鄭司農云事酒有事而飲也昔酒無事而飲也清酒祭祀之酒玄謂事酒酌有事者之酒其酒則今之醴酒也昔酒今之曾久白酒所謂舊醴者也清酒今中山冬釀接夏而成○醴音亦

辨四飲之物。一曰清。二曰醫。三曰漿。四曰醕。

清謂醴之涉者醫內則所謂或以醕爲醴凡醴濁釀醕爲之則少清矣醫之字從段從酉省也漿今

之戴漿也。酏今之粥。內則有黍酏。酏飲粥稀者之清也。鄭司農說以內則曰飲重醴。稻醴清。蒹醴

清。蒹醴有醫酏。糟音聲與蒹相似。醫與臆亦相

似。文字不同。記之者各異耳。此皆一物。○醫於已反。酏以支反。陳子禮反。下同。殿烏兮反。戴胄再反。

蒹音糟臆本又作醴於紀反

掌其厚薄之齊。以共王之四飲三酒之饌。及后世子

之飲與其酒。

后世子不言饌其饌食不必具設之五齊止用醴為飲者取醴恬與酒味異也其餘四齊味皆似酒

凡祭祀以灋共五齊三酒以實八尊。大祭三貳。中祭

再貳。小祭壹貳。皆有酌數。唯齊酒不貳。皆有器量。

酌器所用注尊中者數量之多少未聞鄭司農云三貳三益副之也。大祭天地中祭宗廟小祭五祀

齊酒不貳。謂五齊以祭。不益不敢副。益也。杜子春云。齊酒不貳。謂五齊以祭。不益也。其三酒。人所飲者。益也。弟子職曰。周旋而貳。唯嫌之視。玄謂大祭者。王服大裘。袞冕所祭也。中祭者。王服鷩冕。毳冕所祭也。小祭者。王服希冕。玄冕所祭也。三貳。再貳。一貳。者。謂就三酒之尊而益之也。禮運曰。玄酒在室。醴醕醢。以在戶。粢醕在堂。澄酒在下。澄酒。是三酒也。益之者。以飲諸臣。若今常滿尊也。祭祀必用五齊者。至敬不尚味。而貴多品。又為于偽。反嫌苦。簞反。驚必列。反。毳充。芮反。希本。又作絺。同。張里反。醢側。產反。粢亦作許。緹反。醕音。體本。煇反。

共賓客之禮酒。共后之致飲于賓客之禮。醫酺糟。皆使其士奉之。

禮酒。王所致酒也。王致酒。后致飲。夫婦之義。糟醫酺。不涉者。涉曰清。不涉曰糟。后致飲。無醴醫酺。不涉者。與王同體。屈也。亦因以少為貴。士謂酒人。漿人。奄士。

凡王之燕飲酒共其計酒正奉之

共其計者獻酬多少度當足也故書酒正無酒字鄭司農云正奉之酒正奉之也○度徒洛反

凡饗士庶子饗耆老孤子皆共其酒無酌數

要以醉為度

掌酒之賜頒皆有灋以行之

灋尊卑之差

凡有秩酒者以書契授之

鄭司農云有秩酒者給事中予之酒秩常也常受酒者國語曰至于今秩之玄謂所秩者謂老臣王

制曰七十不俟朝八十月告存九十日有秩○朝直遙反

酒正之出日入其成月入其要小宰聽之

出謂授酒材及用酒之多少也。受用酒者。日言其計於酒正。酒正月盡言於小宰。

歲終則會。唯王及后之飲酒。不會。以酒式誅賞。

誅賞作酒之善惡者。

酒人掌爲五齊三酒。祭祀則共奉之。以役世婦。

世婦謂宮卿之官。掌女宮之宿戒及祭祀。比其具。酒人共酒。因留與其奚。爲世婦役。亦官聯。○比必。

履反又毗志反。

共賓客之禮。酒飲酒而奉之。

酒正使之稍。王不親饗。燕不親食。而使人各以其爵。賓客之稍。王不親饗。燕不親食。而使人各以其爵。

以酬幣。侑幣致之。則從。而以酒往。○親食音嗣。

凡事共酒。而入于酒府。

燕飲之酒正之府者是王

凡祭祀共酒以往。

不言奉
小祭祀

賓客之陳酒亦如之。

謂若歸饗餼之酒亦自有奉之者以酒從往

漿人掌共王之六飲水漿醴涼醫酏入于酒府。

王之六飲亦酒正當奉之醴醴清也鄭司農云涼以水和酒也玄謂涼今寒粥若糗飯雜水也酒正涼不辨水涼者無厚薄之齊○糗丘酉反

共賓客之稍禮。

稍禮非餼饗之禮留間王稍所給賓客者漿人所給亦六飲而已○間如字徐音澗

共夫人致飲于賓客之禮。清醴。醫醢。糟而奉之。

夏亦酒正使之三物。有清有糟。夫入不體。王得備之。禮飲醴用柶者。糟也。不用柶者。清也。○柶音四。

凡飲共之。

謂非食時

凌人掌冰。正歲十有二月。令斬冰。三其凌。

正歲。季冬。火星中。大寒。冰方盛之時。春秋傳曰。火星中而寒暑退。凌。冰室也。三之者。為消釋度也。故

書正為政。鄭司農云。掌冰。政主藏冰之政也。杜子春讀掌冰為主。冰也。政當為正。正謂夏正。三其凌。

三倍其冰。

春始治鑑。

鑑如甄。大口以盛冰。置食物于中。以禦溫氣。春而始治之。為二月。將獻羔而啓冰。○甄直偽反。盛音

成爲于
僞反

凡外內饗之膳羞鑑焉。凡酒漿之酒醴亦如之。

酒醴見溫氣亦失味
酒漿酒入漿人也

祭祀共冰鑑賓客共冰。

不以鑑往嫌
使停膳羞

大喪共夷槃冰。

夷之言尸也。實冰于夷槃中。置之尸牀之下。所以
寒尸。尸之槃曰夷槃。牀曰夷牀。衾曰夷衾。移尸曰
夷于堂。皆依尸而爲言者也。漢禮器制度
大槃廣八尺長丈二尺深三尺漆赤中。

夏頒冰掌事。

暑氣盛王以冰頒賜則主爲之春秋傳曰
古者日在北陸而藏冰西陸朝覲而出之。